

潛江縣志卷之十二

知縣事劉 煥纂修

知縣事史致謨續刊

秩官志下

知縣宦蹟傳 典史宦蹟傳

縣丞宦蹟傳 教諭訓導宦蹟傳

孟堅傳循吏言守而不及令蓋令之難難於守也至蔚宗乃亟稱卓茂魯恭惟親民之吏功德不能忘本輿論以託紀載百世常在耳目焉竊怪陳思之言曰後世誰相知者夫緯惜而知娶婦名徇而識烈士豈征南登峴之涕沈碑之舉遂謂後世竟無相知可乎嘗從父老口

潛江縣志

卷十二

秩官志下 知縣宦蹟傳

一

仁賢遺澤如稱其祖考美斯愛愛斯傳要皆原於奉法循理之指令民無遺訾將歷久無窮也前代大賢過化時移事改美政無徵故寧闕弗書其蹟載舊志者備錄之

知縣宦蹟傳

元

阮伯顏

阮伯顏延祐間為潛江令為政有方立學造士學自至元癸巳隨縣遷建至伯顏時三十餘年已傾圮伯顏能



復建之

鄭文暹

鄭文暹至正間知潛江公正廉明能導揚風化撫字黎

元迎事而決獄無留滯既去民立碑頌之耆儒安惟懷

撰記

記載藝文志下  
二傳見一統志

明

史純一

史純一洪武初除舊志稱其有幹才邑當兵燹凋殘之

後官署學校與壇壝祠廟皆所創建草昧更革時而能

潛江縣志

卷十二

秩官志下  
知縣宦蹟傳

二

如此可以知其志矣萬厯初祀名宦

陳敏政

陳敏政錢塘人第進士正統二年除知潛江處已儉約

臨政寬和尤篤意學校仕至南康知府

呂文

呂文延津人天順三年以舉人知縣事秉公勵勤臨政

嚴簡吏民信服陞沔陽州知州

胡璘

胡璘濟陽人進士成化間授監察御史調知潛江廉以



律已公以治事立冰玉堂以自勵去之日如始至焉

史華

史華渭南人監生弘治間除勸課農桑葺理學校諸所廢墜罔不振興尤敬神恤民誠意篤志一時訟簡盜息號稱治邑九載致仕去人追思不置萬厯初祀名宦

敖鉞

敖鉞字秉之高安人嘉靖初以舉人除果敢任事甫蒞潛治大水為災鉞疏于朝得免民租之半疏載藝文志又疏

開新河以殺邑治水疏載河防志號曰恩江邑有強橫者力

潛江縣志

卷十二

秩官志下  
知縣宦蹟傳

三

為芟夷民甚快之至今感思祀名宦

周延

周延字南喬吉水人進士嘉靖三年知潛江守嚴而吏

畏會大水賦逋特疏于朝疏載藝文志得賜蠲免未幾以才

調繁民遮留不得立祠祀之

蕭廷達

蕭廷達潮陽人舉人嘉靖六年知縣事平易近民政尙

寬簡築石磯以固縣治置學租以厚生儒教民禮讓器

謹寢衰云邑俗為之一變



黃學準

黃學準南海人嘉靖中任文學飾治愷悌宅心政尚恬夷間闔帖席蒞潛六年去之日囊篋蕭然清風高節歷今士民猶能頌之

夏泗

夏泗大足人舉人性爽直遇事敢為有利便于民者即議行之雖抗忤當道不計也尤雅意作士歲凡數校商權討論一如父師又時覘其勤惰而進退之自是士爭向學王子以來科目滋盛矣今學宮齋堂多所創建云

潛江縣志

卷十二

秩官志下  
知縣宦蹟傳

四

朱熙洽

朱熙洽字鴻甫別字明山崑山人進士萬曆三年除清惠疆直求民之瘼雖禍害無所怵而能大剗革以必伸其志潛固漢委大患莫若水水數變而賦亦觭輕觭重公毅然以清田請于上豪猾數撓之法卒行無敢尺寸隱者其賦役率取高下均為一則雖滄桑屢變而裒益相權自然平準潛舊無城熙洽始創為百雉泯諸勞怨浹歲而功成二者皆非常之原潛百世之利也累遷貴州按察司副使祀名宦

公清田自記載輿地志修城記載建置志



論曰朱崑山沒八十餘年康熙乙巳潛人思公功德  
復建特祠祀公於忠義廟左是時令潛者爲臨海葉  
虐焰正熾邑久苦荼毒憚其暴狠計惟動以合名庶  
幾感發改轍稍甦殘喘以緩須臾之死因奉臨海配  
崑山大署其門曰崑山朱公臨海葉公合祠吁其用  
意苦矣夫吏治若臨海乃與崑山同尸祝豈非安石  
可以駕顏孟魏璫之生祠可以列成均亦何異於馮  
道之謚文懿秦檜之謚忠獻耶今猶崑山臨海并祀  
祠宇歸然不表而釐正之則崇報之義有不可憑者

潛江縣志

卷十二

秩官志下  
知縣宦蹟傳

五

矣朱崑山之孫曰爍舉前壬子孝廉仕至叅政元孫  
而錡康熙壬戌第進士今爲臨淄令以異等行取待  
試食報如此安見循吏之必不可爲乎

王建中

王建中上饒人舉人性沉毅寡言無赫赫之威有恂恂  
之政左右尤無所私寄遇事緣情據法屹然不可動故  
強畏弱懷史稱德讓廉平君子于建中再見之

潘之祥

潘之祥字伯和婺原人進士萬曆二十八年除下車之



初稅瑄燭焰邑里騷然之祥括贖應之暴益甚民將不堪之祥縛不逞數人投之陽侯之波羣兇斂跡蒞任四年均徭役理學校修邑乘建浮梁掩遺骼有保釐之實無更張之擾循聲著聞以徵召去越數年後令安尙禮紀其績而勤諸石

王念祖

王念祖字孝先武進人初第進士同年咸有清華之想念祖曰余志在令聞者領之退謂人曰余尙無子爲官可以種德有如令者哉一意爲民冥必報焉萬曆三十

潛江縣志

卷十二

秩官志下  
知縣宦蹟傳

六

九年任潛後果生一子小字曰郢昭其報也潛大患在水地又多盜念祖嚴毅明辯凡有利于民者必竭力以圖至侮豪紳意開古河禽巨盜皆大有造於潛者而卒以受過民咸以爲冤邑徵君張承宇贈行詩有躬還吳下名還楚罪在官中功在民之句可以知循吏之概已

開河議諸篇  
載河防志

徐熙

徐熙字文穆南昌人舉人治潛五載清慎有爲難者易劇者簡殷阜之風實熙爲政基之擢北京監察御史祀



名宦

曹珩

曹珩字佩廷石阡人舉人萬曆十八年除賦役有法聽斷精敏士民信而安之作守官箴勒石于迎賓館之廣益堂真可為作吏之範焉

陳夢琬

陳夢琬字充孟蓬萊人進士天啟三年令其先世為尙書廸即靖難時斷舌不屈者也琬為政尙簡易視民所安而為之處度甲子分校楚闈一時名宿如夏雲鼎曹潛江縣志卷十二秋官志下知縣宦蹟傳七景參輩皆出其門後遷南京考功司員外郎邑人為立祠勒石以志之厥後水囓祠碑無存者康熙丙午其受知士莫若玉更建祠于元真觀左

羅萬象

羅萬象字仞庵南昌人舉人崇禎十年除下車試士所拔盡名宿蒞政之暇即葛巾野服分韻賦詩藹然師弟一堂士論咸歸之會邑大祲饑民聚眾相奪勢不可止萬象取巨魁周肖何孫貞宇二人立斬之揭竿以示餘黨皆雲鳥散大亂以定復建北關以固城圍創教場以



習騎射徵糧之法則立連環票二紙一存圖一應比一  
存執杜奸里包噬之弊至今遵行焉擢南京戶科給事  
中

國朝

韓國璽

韓國璽字晴嵐在平人順治三年以舉人除潛江令嘗  
定鼎之初驚鴻甫集禁旅大師疊至軍之所需難以億  
計國璽身當荼苦必不以無名之費取諸民故三年之  
內潛人不知兵恬澹植躬簡易爲政雖屢遭上官挫辱  
潛江縣志 卷十二 秩官志下 知縣宦蹟傳 八  
竟不改絃去之日行李半肩而已觀者無不感涕康熙  
三年從紳士父老請崇祀名宦蓋由後觀前其德更不  
可忘云

葉學元

葉學元字元長順昌人貢士康熙六年除是時民腹之  
後動輒肘見且胥吏因緣爲奸凡田賦版籍悉付祖龍  
徵輸茫無可考學元一意休息持已廉慎甫數月有以  
非道干者拒稍峻遂啣之竟以誣去民遮道攀轅不能  
留然枉直已讞盛德終未可泯也



王又旦

王又旦字幼華別號黃湄邵陽人進士當授推官後例改爲縣性廉謹善治威儀與人接言笑一無所苟雖久侍莫能揣摩意向其爲政綜密而不苟慈惠而善斷凡施行必期永利先是潛江有甲首之禍逋逃幾盡歲復倍征以償逃旦曰踵而行之弊將安極始至下令盡蠲積逋詳請清田先期爲文告於隍祠規畝均賦期月內歸者接踵墾田二十餘萬畝築長隄挂漢水決囓衝寒觸暑必躬歷預治雖案牘倥偬呻嗶不廢尤工書最能

潛江縣志

卷十二

秩官志下  
知縣宦蹟傳

九

詩暇則延士大夫置酒聯吟耻同俗吏建傳經書院說詩臺操縵軒輿起逢掖以禮讓居六年擢吏科給事中遷戶科都給事旦旣爲言官卽疏湖北隄工協濟之害其盡心於所職雖去猶不忘其民也如是康熙甲子典廣東鄉試畢還京師以疾卒於官至今潛民思慕之

論曰春秋之衡人也或因所美以例惡或因所惡以例美例者擬而議之咸於其行事徵之也無徵而書匪誣則諛誣與諛烏可以傳信漢章帝詔曰俗吏矯飾外貌似是而非安靜之吏惘惘無華蓋以安靜爲



治雖無他畏亦始近之乃有祖鈞鉅以察淵魚嗜搏擊以問狐狸釣奇術采以著望頻釐數革以榜才爲察吏治者所賞識而艷侈不知三代之直在於斯民惡之有不敢怨之勞愛之有不可誼之德自元迄今凡數百年大畧可數至若嗣繭絲而際盤錯轉危殆而措衽席顯名久遠者前有崑山後有郟陽洵勿媿歟

縣丞宦蹟傳

明

潛江縣志卷十二

秩官志下  
縣丞典史宦蹟傳十

李鏞

李鏞太平人正統間以監生授潛丞舊志稱其奉公約已教民耕作雅意文事潛甚賴之迄今考其建戟門神厨神庫庫房有功學校築花封隄以禦水有功民社蓋一時之能吏也

典史宦蹟傳

明

詹希聖

詹希聖北京人崇禎十三年任謹敏有畧時百里內有



盜魁黨甚熾人不敢問出沒三澁間商賈幾絕希聖乃同健丁數人行乞左右伺其便突擁盾入盜不及避遂就擒遠邇以靖民至今稱之

教諭訓導官蹟傳

元

楊磬濱字惟中

楊磬濱里居未詳至元三十年癸巳遷建縣於今治磬濱於治東創立儒學雖規制未備潛人駸駸知有文教矣後延祐六年己未李惟中同知縣阮伯顏修建禮殿潛江縣志卷十二

秩官志下  
教諭訓導官蹟傳 十一

兩廡惟中爲之記二公其作師之始乎

明

趙奎陳芳任良幹

趙奎四川彭縣人舉人景泰時訓導卒于京士哀之設像立祠以祀陳芳四川樂至人舉人成化時訓導卒于任士慕之立祠以祀任良幹廣西臨桂人舉人嘉靖時教諭陞信陽州守祀名宦教思無窮澤所漸者遠也三公皆方直有雅望趙陳一卒于旅一卒于官邑士爲祠以祀之任則從祠名宦肅拜瞻依永無替矣



朱慶葉善崔崧

朱慶江西豐城人舉人宣德時教諭葉善江西樂平人  
監生成化時訓導崔崧江西豐城人舉人弘治時教諭  
三公俱出江右先後振鐸皆博學多識綜練經史朱以  
文章名世葉以詩賦擅場崔于成化間纂修縣志潛江  
新遷後至是始有志焉

康進孫實

康進江西太和人宣德時以經明行修授訓導孫實江  
西廬陵人以經明行修授訓導二公皆宣宗朝辟舉粹  
潛江縣志

卷十二

秩官志下  
教諭訓導官蹟傳 三

勵諸生能以身教士之重行誼自二公始

張諒黃南轍胡鍾英

張諒江西高安人舉人成化時教諭黃南轍四川富順  
人監生天順時訓導胡鍾英江西金谿人監生弘治時  
訓導成弘間儒學九年無科目者教官降調張以贍博  
之才一時交譽黃胡雖起家國學雅意經史課士以反  
躬實踐隆萬以來科名駸盛矣

程良杰尹元陳倫

程良杰四川彭山人舉人天順時訓導尹元浙江烏程



人監生正德時教諭陳倫福建同安人貢士嘉靖時教諭三公皆以鯁介之性磨世勵俗若陳倫之嘖笑不苟尤爲士所敬慕云

劉佐趙澤桂

劉佐四川巴縣人舉人弘治時教諭趙澤桂四川瀘州人貢士嘉靖時教諭書以廣聽知之術也世儒安其所習僉耳劉以尙書日授生徒而書乃有傳趙接諸士必多設問端反復窮理論難移日不休以老乞歸士大夫致把袂不忍別至今稱清溪先生

潛江縣志

卷十二

秩官志下

教諭訓導宦蹟傳

三

羅汝卿王士龍

羅汝卿四川松藩衛人貢士隆慶時教諭王士龍黃岡人貢士崇禎時訓導十室之邑必有忠信羅出衛士負異材嘗署邑篆卻暮餽金盡心舉職風裁著聞王則學行兼懋卓然不羣一時出其門者必首推行誼而文藝足錄者無取焉洵冰鑑也

國朝

方師誨

方師誨字忠能興國人舉人教諭矩步規行味道腴以



爲樂幾不知馬之幾足與諸生講論嘗曰晏不倦士鼓舞其教恒敬愛之順治壬辰成進士去

駱驕

駱驕字伯超蘄水人舉人教諭與人以誠循循善誘於士之貧乏者周之其有值試期而抱重疾或遠遊未即歸者皆曲意成就而不責其報陞富川令去至今憶成人之美者猶稱駱先生不置

劉在和

劉在和字發之永州祁陽人舉人例授縣令和喟然曰

潛江縣志

卷十二

秩官志下 教諭訓導宦蹟傳 古

欲正人心當先端士習請改署廣文康熙癸亥除潛江諭課士尙實行厭浮薄不責臍脯盛德克勤樂易有容癸酉以疾卒窮不能治任劉侯煥賻之其甥劉光漢始得扶櫬歸葬於乎廉以守已和以與人如先生者可以爲師矣

論曰士者民之表也士習端斯風俗正矣明隆萬之間士行質樸故立朝表建卓然一時先正典型具在也其後習俗移人以猖披爲曠達以惰忿爲意氣以傲睨凌轢爲高雉餘潤可藉何計枉於尋尺寸進可



于何嫌由於徑竇問有敦倫篤行之子辭而辟之勿使投足揆厥所由當事亦有責焉古者教養合爲一官司徒之職卽統庠序漢唐制猶近古令長兼理學校至宋元學有專司而民事文教判然二矣易曰君子以教思無窮容保民無疆語曰經師易得人師難逢有民牧師保之任者挽卑靡之氣一變至道以身教者從詎不信然哉